



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

47. De eadem re.

urn:nbn:de:hbz:466:1-14622

tionem Ecclesiæ provideat Presbyterum, ejusque conductu de eodem elaboratu decimas eidem Ecclesiæ conferat. [*Caput istud non extat in codice MS. Reginonis.*]

Item de nonis & decimis. *Ex eodem,*
cap. xxxvi.

Concil. Cabilon. 2. c. 19.
Lib. 2. Capitular. c. 38.

XLV. Qui decimas post creberrimas admonitiones & prædicationes sacerdotum dare neglexerint, excommunicentur. Juramento verò eos constringi nolumus, propter periculum perjuri.

Item de nonis & decimis. *Ex eodem,*
cap. xxi.

Lib. 2. Capitular. c. 11.

XLVI. De nonis quidem & decimis, unde & genitor noster & nos frequenter & in diversis placitis admonitionem fecimus, & per Capitularia nostra qualiter hæc observentur ordinavimus, volumus atque jubemus ut de omni collaboratu & de vino & fœno fideliter & pleniter ab omnibus nona & decima persolvatur. De nutrimine verò pro decima, sicut hæctenus consuetudo fuit, ab omnibus observetur. Si quis tamen Episcoporum fuerit qui argentum pro hoc accipere velit, in sua potestate maneat, juxta quod ei & illi qui hoc persolvere debet convenerit.

Item de nonis & decimis. *Ex eodem,*
cap. v. lib. v.

Lib. 5. Capitular. c. 145.

XLVII. De his qui nonas & decimas jam per multos annos aut ex parte aut ex toto dare neglexerunt, volumus ut per Missos nostros

nostros constringantur, ut secundum consuetudinem priorem solvant unius anni nonam & decimam cum sua lege, & insuper bannum nostrum. Et hoc eis denuntietur, quod quicumque hanc negligentiam iteraverit, beneficium unde hæc nona & decima persolvi debuit amissurum se sciat.

Item de eadem re. *Cap. vi.*

XLVIII. Quicumque decimam abstrahit de Ecclesia ad quam per iustitiam debet dari & eam præsumptuosè vel propter munera aut amicitiam vel aliam quamlibet occasionem ad alteram Ecclesiam dederit, à Comite vel à Misso nostro distringatur, ut ejusdem decimæ quantitatem cum sua lege restituat.

Lib. 5. Capitular. c. 145. & Addit. IV. c. 75.

Item de eadem re. *Cap. vii.*

XLIX. De decimis quas dare populus non vult nisi quolibet modo ab eo redimantur, ab Episcopis prohibendum est ne fiat. Et si quis contemptor fuerit inventus, ut nec Episcopum nec Comitem audire velit, si noster homo fuerit, ad præsentiam nostram venire compellatur. Ceteri verò distringantur, ut inviti Ecclesiæ restituant quod voluntariè dare neglexerunt.

Lib. 5. Capitular. c. 46. Lex Longobardor. lib. 3. tit. 3. c. 8. Burchard. lib. 3. c. 134.

Item de eadem re. *Cap. ix.*

L. De illis qui agros dominicos propterea neglexerunt excolere ut nonam & decimam exinde non persolvant, & alienas terras ad excolendum propter hoc accipiunt, volumus ut de tribus annis ipsam annonam cum sua lege

Lib. 5. Capitular. c. 147.

D